

四庫全書

集部

欽定四庫全書

唐詩鏡卷二十九

明 陸時雍 編

中唐第一

中唐詩亦有勝盛唐處去方而得髻去實而得鬆去規模而得情趣然聲格之降一往不復反矣

劉長卿

字文房河間人開元二十一年進士至德中為監察御史以檢校祠部員外郎為轉運使判官

知淮南巴尉會為辯之者除睦州司馬終隨州刺史

史卒有集十

卷傳于世

長卿
鬆秀

五言古詩

石梁湖寄陸蕪

石梁湖在開封府臨潁縣

故人千里道滄洲十年別夜上明月樓
相思楚天濶瀟瀟清秋暮嫋嫋涼風發
湖色淡不流沙鷗遠還滅煙波日已遠
音問日已絕歲晏空含情江皋綠芳歇

長卿五古
輕描淺抹

題蕭郎中開元寺新構幽寂亭

康樂愛山水賞心千載同結茅依翠微伐木開蒙籠孤
峯倚青霄一徑去不窮候客石苔上禮僧雲樹中曠然
見滄洲自遠來清風五馬留谷口雙旌薄煙虹沈沈衆
香積眇眇諸天空獨往應未遂蒼生思謝公

中有
爽句

南楚懷古

南國久蕪沒我來空鬱陶君看章華宮處處生蓬蒿但
見陵與谷豈知賢與豪精魂托古木寶劍捐江皋倚棹

下晴景回舟隨晚濤碧雲暮寥落湖上秋天高往事那
堪問此心徒自勞獨餘湘水上千載聞離騷

筆意
蕭疎

晚次湖口有懷

靄然空水合目極平江暮南望天無涯孤帆落何處頃
為衡湘客頗見湖山趣潮氣和楚雲夕陽映江樹帝鄉
勞想望萬里心來去白髮生扁舟滄波滿歸路秋風今
已至日夜鴈南度木葉辭洞庭紛紛落無數

陪元侍御遊支硎山寺

支公去已久寂寞龍華會古木閉空山蒼然暮相對林
巒非一狀水石有餘態密竹藏晦明羣峯爭向背峯峯
帶落日步步入青靄香氣空翠中猿聲暮雲外留連南
臺客想像西方內因逐溪水還觀心兩無礙

語色
蒼翠

宿雙峯寺寄盧七李十六

寥寥禪誦處滿室蟲絲結獨與山中人無心生復滅徘

迴雙峯下惆悵雙峯月杳杳暮猿深蒼蒼古松列玩奇
不可盡漸遠更幽絕林暗僧獨歸石寒泉且咽竹房響
輕吹蘿徑陰餘雪卧澗曉何遲背巖春未發此遊誠多
趣獨往共誰閱得意空自歸非君豈能說

登揚州西靈寺塔

北塔凌空虛雄觀壓川澤亭亭楚雲外千里看不隔遙
對黃金臺浮輝亂相射盤梯接元氣半壁棲夜魄稍登
諸劫盡若騁排霄翮向是滄洲人已為青雲客雨飛千

拱霄日在萬家夕鳥處高却低天涯遠如迫江流入空
翠海嶠現微碧向暮期下來誰堪復行役

湖上遇鄭田

故人青雲器何意常窘迫三十猶布衣憐君頭已白誰
言此相見暫得話疇昔舊業今已蕪還鄉反為客扁舟
伊獨往斗酒君自適滄洲不可涯孤帆去無跡杯中忽
復醉湖上生月魄湛湛江色寒濛濛水雲夕風波易迢
遞千里如咫尺迴首人已遙南看楚天隔

還鄉反為客
一語最傷

秋雲嶺

山色無定姿如煙復如黛孤峯夕陽後翠嶺秋天外雲
起遙蔽虧江迴頻向背不知今遠近到處猶相對

浮石瀨

秋月照瀟湘月明聞盪槳石橫晚瀨急水落寒沙廣衆
嶺猿嘯重空江人語響清暉朝復暮如待扁舟賞

詩趣如清
流淺瀨

水東渡

山葉傍崖赤千峯秋色多
夜泉發清響寒渚生微波
稍見沙上月歸人爭渡河

下山

誰識往來意孤雲長自閒
風寒未渡水日暮更看山
木落衆峯出龍宮蒼翠間

悠然
趣遠

月下聽砧

夜靜掩寒城清砧發何處聲聲搗秋月腸斷盧龍戍未
得寄征人愁霜復愁露

洌

送丘為赴上都

帝鄉何處是岐路空垂泣楚思愁暮多川程帶潮急潮
歸人不歸獨向空塘立

川程帶潮
急語趣佳

七言古詩

江樓送太康郭主簿赴嶺南

對酒憐君安可論當官愛士如平原
料錢用盡却為謗食客空多誰報恩
萬里孤舟向南越蒼梧雲中暮帆滅
樹色應無江北秋天涯尚見淮陽月
驛路南隨桂水流猿聲不絕到炎州
青山落日那堪望誰見思君江上樓

客舍喜鄭三見寄

客舍逢君未換衣閉門愁見桃花飛
遙想故園今已爾家人應念行人歸
寂寞垂楊映深曲長安日暮靈臺宿

窮巷無人鳥雀閒空庭新雨莓苔綠此中分與故交疎
何幸仍迴長者車十年未稱平生意好得辛勤漫讀書

聽笛歌

留別鄭
協律

舊遊憐我長沙謫載酒沙頭送遷客天涯望月自沾衣
江上何人復吹笛橫笛能令孤客愁淥波淡淡如不流
商聲寥亮羽聲苦江天寂歷江楓秋靜聽關山聞一叫
三湘月色悲猿嘯又吹楊柳激繁音千里春色傷人心
隨風飄向何處落唯見曲盡平湖深明發與君離別後

馬上一聲堪白首

歷落
如語

時平後送范倫歸安州

昨聞戰罷圖麟閣，破虜收兵卷戎幕。
滄海初看漢月明，紫微已見胡星落。
憶昔扁舟此南渡，荊棘煙塵滿歸路。
與君攜手姑蘇臺，望鄉一日幾登迴。
白雲飛鳥去寂寞，吳山楚岫空崔嵬。
事往時平還舊丘，青青草近家愁。
洛陽舉目今誰在，潁水無情應自流。
吳苑西人去欲稀。

留連一日空知非江潭歲盡愁不盡鴻鴈春歸身未歸
萬里遙懸帝鄉憶五年空帶風塵色却到長安逢故人
不道姓名應不識

七言古專以詞勝江
潭二語巧而不纖

新安送陸澧歸江陰

新安路人來去早潮復晚潮明日知何處潮水無情亦
解歸自憐長在新安住

淺淺
得趣

登吳古城歌

登古城兮思古人感賢達兮同埃塵望平原兮寄遠目
歎姑蘇兮聚麋鹿黃池高會事未終滄海橫流人蕩覆
伍員殺身誰不寬竟看墓樹如所言越王嘗膽安可敵
遠取石田何所益一朝空謝會稽人萬古猶傷甬東客
黍離離兮城坡陲牛羊踐兮牧豎歌野無人兮秋草綠
園為墟兮古木多白楊蕭蕭悲故柯黃雀啾啾爭晚禾
荒阡斷兮誰重過孤舟逝兮愁若何天寒日暮江楓落

葉去辭風水自波

語多
輕俊

五言律詩

初到碧澗招明契上人

漸老知身累初寒曝背眠
白雲留永日黃葉減餘年
猿護窻前樹泉澆谷後田
沃洲能共隱不用道林錢

黃葉減餘年
是一奇句

新年作

鄉心新歲切天畔獨潛然老至居人下春歸在客先
嶽同旦暮江柳共風煙已似長沙傅從今又幾年

三四雋甚
語何其鍊

酬皇甫侍御見寄時前相國姑臧公初臨郡

離別江南北汀洲葉再黃路遙雲共水砧迴月如霜
歲儉依仁政年衰憶故鄉佇看宣室召漢法倚張綱

砧迴月如霜景趣深長若
除却砧字餘俱淺俗矣

月下呈章秀才

自古悲搖落誰人奈此何夜蛩偏傍枕寒鳥數移柯向
老三年謫當秋百感多家貧誰好月空愧子猷過

寒鳥數移柯
語力精緊

送李使君貶連州

獨過長沙去誰憑此路愁秋風散千騎寒雨泊孤舟賈
誼辭明主蕭何識故侯漢廷當自召湘水但空流

江州留別薛六柳八二員外

江海相逢少東南別處長獨行風嫋嫋相去水茫茫白

首辭同舍青山背故鄉
離心與潮信每日到潯陽

三四淺
淺自傷

送州人孫沅自本州却歸句章新營所居

故里歸成客新家去未安
詩書滿蝸舍征稅及漁竿
火種山田薄星居海島寒
憐君不得已步步別離難

三四好寫作末
語懇歎特至

過前安宜張明府郊居

寂寥東郭外白首一先生
解印孤琴在移家五柳成
夕

陽臨水釣春雨向田畊終日空林下何人識此情

三四意致夷猶
絕似王維語氣

送李中丞之襄州

李一作季一無
之襄州三字

流落征南將曾驅十萬師罷歸無舊業老去戀明時獨
立三朝靜輕生一劍知茫茫漢江上日暮復何之

三四老
氣深衷

勅恩重推使牒追赴蘇州次前溪館作

漸入雲峯裏愁看驛路間亂鷗投落日疲馬向空山且

喜憐非罪何心戀末班
天南一萬里誰料得生還

三四
黯然

秋杪江亭有作

寂寞江亭下江楓秋氣斑
世情何處澹湘水向人閒
寒渚一孤鴈夕陽千萬山
扁舟將落葉此去未知還

五六清
瘦如削

送侯侍御赴黔中充判官

不識黔中路今看遣使臣
猿啼萬里客鳥似五湖人
地

遠官無法山深俗豈淳
須令荒徼外亦解懼埋輪

鳥似五湖人
傷感之甚

送王端公入秦赴上都

舊國無家訪臨岐亦羨歸
途經百戰後客過二陵稀
秋草通征騎寒城背落暉
行當蒙顧問吳楚歲頻饑

秋草通征騎通字
佳正於通字見阻

春過裴虬郊園

時裴不在
因以寄之

郊原春欲暮桃李落紛紛
何處尋芳草留家寄白雲
聽

鶯情念友看竹恨無君長嘯高臺上南風冀爾聞

看竹句佳較看竹何
須問主人更簡要

過橫山顧山人草堂

只見山相揜誰言路尚通人來千嶂外犬吠百花中細
草香飄雨垂楊閒卧風却尋樵徑去惆悵綠溪東

五六
韵甚

尋南溪常山道人隱居

一路經行處蒼苔見履痕白雲依靜渚春草閉開門過

雨看松色隨山到水源
溪花與禪意相對亦忘言

幽色
滿抱

送李七之苻水謁張相公

惆悵青春晚慙懃
濁酒壚後時長劍澁斜日片帆孤東
閣邀才子南昌老腐儒
梁園舊相識誰憶卧江湖

語出獨造隨意可人後
時長劍澁言之足感

送康判官往新安

不向新安去那知江路長
猿聲近廬嶽水色勝瀟湘
驛

路收殘雨漁家帶夕陽何須愁旅泊使者有輝光

五六氣格道
勁直逼初唐

同諸公登樓

秋草行將暮登樓客思驚千家同霽色一鴈報寒聲北
望無鄉信東遊滯客行今君佩銅墨還有越鄉情

故女道士婉儀太原郭氏挽歌詞

宮禁恩長隔神仙道已分人間驚早露天上失朝雲逝
水年無限佳城日易曛簫聲將薤曲哀斷不堪聞

四語
嬌貴

附經漂母墓 昔賢懷一飯 茲事已千秋 古墓樵人
識前朝楚水流 渚蘋行客薦 山木杜鵑愁 春草茫茫

綠王孫舊此遊 三四啞韻未見其佳
五律貴響亮精工 七律貴深沈蘊藉

附巡去岳陽却歸鄂州使院留別鄭洵侍御侍御謫
居此州暮帆歸夏口寒雨對巴丘移使鄂州次峴陽
館懷舊居萬里逢秋鴈千峯共夕陽送人遊越露
沾湖色曉月照海門秋送崔處士先適越越鳥聞花
裏曹娥想鏡中
曹娥句入異想

七言律詩

送陸澧倉曹西上

長安此去欲何依
先達誰當薦陸機
日下鳳翔雙闕迴
雪中人去二陵稀
舟從故里難移棹
家在寒塘獨掩扉
臨水自傷流落久
贈君空有淚沾衣

中聯牽曳 七律
諸什俱清淺流利

送耿拾遺歸上都

若為天畔獨歸秦
對水看山欲暮春
窮海別離無限路
隔河征戰幾歸人
長安萬里傳雙淚
建德千峯寄一身
想到郵亭愁駐馬
不堪西望見風塵

中聯流動易而整策
難律法以整策為正

題靈祐和尚故居

歎逝翻悲有此身
禪房寂寞見流塵
多時行徑空秋草
幾日浮生哭故人
風竹自吟遙入磬
雨花隨淚共沾巾
殘經窻下依然在
憶得山中問許詢

詩家深淺大半與難易相掩
幾日浮生哭故人驟視之若淺而實非也
乃易耳若杜少陵秋興等詩
人皆謂深矣

獻淮寧軍節度李相公

建牙吹角不聞喧三十登壇衆所尊
家散萬金酬士死身留一劍答君恩
漁陽老將多迴席魯國諸生半在門
白馬翩翩春草細邵陵西去獵平原

如此等覺餘韻涉絕詩之
佳處在一歎三詠之間

長沙過賈誼宅

三年謫宦此棲遲萬古惟留楚客悲
秋草獨尋人去後寒林空見日斜時
漢文有道恩猶薄湘水無情弔豈知
寂寂江山搖落處憐君何事到天涯

五六當是慰
勞非是誚語

過裴舍人故居

慘慘天寒獨掩扃紛紛黃葉滿空庭
孤墳何處依山木百口無家學水萍
籬花猶及重陽發鄰笛那堪落日聽
書幌無人長不捲秋來芳草自為螢

三四屬
意況語

附青溪口送人歸岳州 洞庭何處鴈南飛
江蓼蒼蒼客去稀 帆帶夕陽千里沒
天連秋水一人歸 黃花衰露開沙岸
白鳥銜魚上釣磯 岐路相逢無可贈
老年空有淚沾衣

附送靈澈上人還越中 禪客無心杖錫還沃洲
深處草堂間身隨敝屣經殘雪手綻寒衣入舊山
獨向青溪依樹下空留白日在人間那堪別後
長相憶雲木蒼蒼但閉關 二詩太嫩

五言排律

奉和趙給事使君留贈李婺州舍人兼謝舍人

別駕之什

便道訪情親東方千騎塵禁深分直夜地遠獨行春
絳闕辭明主滄洲識近臣雲山隨候吏雞犬逐歸人
庭顧婆娑老邦傳蔽芾新玄暉翻佐理聞到郡齋頻

奉陪鄭中丞自宣州解印與諸姪宴餘干後谿
跡遠親魚鳥功成厭鼓鼙林中阮生集池上謝公題戶
牖垂藤合藩籬插槿齊夕陽山向背春草水東西度雨
諸峯出看花幾路迷何勞問秦漢更入武陵谿

夕陽二語
簡鍊得佳

毗陵送鄒結先赴河南充判官

王事相逢少雲山奈別何芳年臨水怨瓜步上潮過客
路方經楚鄉心共渡河凋殘春草在離亂故城多罷戰

逢時泰輕徭佇俗和東西此分手惆悵恨煙波

送徐大夫赴廣州

上將壇場拜南荒羽檄招遠人來百越元老事三朝霧
繞龍山暗山連象郡遙路分江淼淼軍動馬蕭蕭畫角
知秋氣樓船逐暮潮當今輸貢賦不使外夷驕

語脆嫩意
却自老

九日蔡國公主樓

主第人何在重陽客暫尋水餘龍鏡色雲罷鳳簫音暗

牖藏昏曉蒼苔換古今晴山卷幔出秋草閉門深籬菊
仍新吐庭槐尚舊陰年年畫梁燕來去豈無心

三四語韶水雲
字裝得佳絕

奉餞元侍郎加豫章採訪兼賜章服

時初停節度

任重兼烏府時平偃豹韜澄清湘水變分別楚山高花
對形襜發霜和白雪操黃金裝舊馬青草換新袍嶺暗
猿啼月江寒鷺映濤豫章生字下無使翳蓬蒿

語語
精琢

奉饒郎中四兄罷餘杭太守承恩加侍御史克
行軍司馬赴汝南行營

星使三江上天波萬里通權分金節重恩借鐵冠雄梅
吹前軍發棠陰舊府空殘春錦障外初日羽旗東岸柳
遮浮鷁江花隔避驄離心在何處芳草滿吳宮

宿嚴維宅送包佶

一作皇甫冉作

江湖同避地分手自依依盡室今為客驚秋空念歸歲
儲無別墅寒服羨隣機草色村橋晚蟬聲江樹稀夜深

宜共醉時難忍相違何事隨陽鴈汀洲忽背飛

秋日夏口涉漢陽獻李相公

日望衡門處心知漢水濱
偶乘青雀舫還在白鷗羣
間氣生靈秀先朝翼戴勲
藏弓身已退焚藁事難聞
舊業成青草全家寄白雲
松蘿長稚子風景逐新文
山帶寒城出江依古岸
分楚歌悲遠客羌笛怨孤軍
鼎罷調梅久門看種藥勤
十年猶去國黃葉又紛紛

附行營酬呂侍御時尚書問罪襄陽軍次漢東境上
侍御以州隣寇賊復有水火迫於征稅詩以見謝

不敢淮南卧來趨漢將營受辭膽左鉞扶疾往前旌
并稅鷄衣樂壺漿鶴髮迎水歸餘斷岸烽至掩孤城
晚日歸千騎秋風合五兵孔璋才
素健早晚檄書成水歸句落閒

附贈元容州擁旌臨合浦上印卧長沙海徵長無
戎湘山獨種畝政傳通歲貢才惜過年華萬里依孤
劍千峯寄一家累徵期旦暮未起戀煙霞避世歌芝
草休官醉菊花舊遊如夢裏此別是天涯何事滄波
上漶漶逐海槎渾厚之病隣於模糊精琢
則體瘦神清初盛時亦有肥瘦相兼之病

六言律詩

茗溪酬梁耿別後見寄

清川永路何極落日孤舟解携烏向平蕪遠近人隨流

水東西白雲千里萬里明月前溪後溪惆悵長沙謫去
江潭芳草萋萋

六言體出巧令故
相傳易得佳句

五言絕句

逢雪宿芙蓉山主人

日暮蒼山遠天寒白屋貧柴門聞犬吠風雪夜歸人
春草宮懷古

君王不可見芳草舊宮春猶帶羅裙色青青向楚人

落想
近人

送方外上人

孤雲將野鶴豈向人間住
莫買沃洲山時人已知處

貌古而唐以
有做作在

茱萸灣北答崔載華問

荒涼野店絕迢遞人煙遠
蒼蒼古木中多是隋家苑

指點
却好

七言絕句

家園瓜熟是故蕭相公所遺瓜種悽然感舊因
賦此詩

事去人亡跡自留
黃花綠蒂不勝愁
誰能更向青門外
秋草茫茫覓故侯

感慨
自足

尋盛禪師蘭若

秋草黃花覆古阡
隔林何處起人煙
山僧獨在山中老
唯有寒松見少年

末句
轉韻

送劉萱之道州謁崔大夫

沅水悠悠湘水春
臨岐南望一沾巾
信陵門下三千客
君到長沙見幾人

今人感古
古事傷今

昭陽曲

昨夜承恩宿未火
羅衣猶帶御衣香
芙蓉帳小雲屏暗
楊柳風多水殿涼

附重送裴郎中貶吉州 猿啼客散暮江頭
人自傷心水自流 同作逐臣君更遠
青山萬里一孤舟 語
最小

附酬李穆見寄 孤舟相訪至天涯
萬轉雲山路更賒 欲掃柴門迎遠客
青苔黃葉滿貧家 語氣寒儉
附送李判官之潤州行營 萬里辭家事
鼓鼙金陵驛路楚雲西江春不肯
留行客 草色青青送馬蹄
草色青青送馬蹄 一語已足江春
不肯留行客 此是賸語抑更不老

唐詩鏡卷二十九

欽定四庫全書

集部
唐詩鏡卷
三十三
三十五

詳校官庶吉士臣范逢恩

主事銜臣徐以坤覆勘

總校官編修臣王燕緒

校對官編修臣張燾

謄錄監生臣全本

欽定四庫全書

唐詩鏡卷三十

明 陸時雍 編

中唐第二

韋應物

長安北人周道逸公韋瓊之後李肇國史補云為性高潔鮮食寡欲所居焚香掃地而坐其

為詩馳驟建安以還各得風韻王欽臣集序云天寶時扈從遊幸為三衛郎永泰中任洛陽丞京兆府功

曹大曆十四年自鄆縣令除櫟陽令建中二年除此部員外出刺滁州改刺江州追赴闕改左司郎中員

阮初又歷蘇

州詩十卷

韋蘇州澹而韵陶服其香柳遜
其秀品之最貴 六朝餘絢

五言古詩

擬古

辭君遠行邁飲此長恨端已謂道里遠如何中險艱流
水赴大壑孤雲還暮山無情尚有歸行子何獨難驅車
背鄉園朔風卷行迹嚴冬霜斷肌日入不遑息憂歡容
髮變寒暑人事易中心君詎知冰玉徒貞白

右擬行行
重行行

一起古而澹朔風
卷行迹一語最佳

春至林木變洞房夕含清單居誰能裁好鳥對我鳴良
人久燕趙新愛移平生別時雙鴛綺留此千恨情碧草
生舊跡綠琴歇芳聲思將魂夢歡反側寢不成攬衣迷
所次起望空前庭孤影中自惻不知雙涕零

右擬凜凜
歲云暮

春至林木變洞房夕含清此是唐語末覺情思纏
綿語疏體暢意結情含自是古人體製自宋以
下一并而注
字句間矣

白日淇上沒空閨生遠愁寸心不可限淇水長悠悠芳
樹自交結春禽自相求徘徊東西廂孤妾誰與儔年華

逐絲淚一落俱不收

右擬明月何皎皎

起四語澹而
遠氣味極佳

效陶彭澤

霜露悴百草時菊獨妍華物性有如此寒暑其奈何掇
英泛濁醪日入會田家盡醉茅簷下一生豈在多

陶澹而深
韋澹而淺

移疾會詩客元生與釋子法朗因貽諸祠曹

對此嘉樹林獨有戚戚顏抱瘵知曠職淹旬非樂閒釋

子來問訊詩人亦扣關
道同意暫遣客散疾徐還
園徑自幽靜玄蟬噪其間
高牕瞰遠郊暮色起秋山
英曹幸
休假恨恨心所攀

賈常侍林亭燕集

高賢侍天階跡顯心獨幽
朱軒鶩關右池館在東周
繚繞接都城氤氳望嵩丘
羣公盡詞客方駕永日游
朝旦氣候佳逍遙寫煩憂
綠林靄已布華沼澹不流
沒露摘幽草涉烟玩輕舟
圓荷既出水廣廈可淹留
放神遺所

拘觥罰屢見酬樂燕良未極安知有沈浮醉罷各云散
何當復相求

氣韵芬芳綠林靄已布華沼澹不
流重之有味知詩者當自領之

西郊燕集

濟濟衆君子高宴及時光羣山靄遐矚綠野布熙陽列
坐遵曲岸披襟襲蘭芳舒庖薦嘉魚激澗泛羽觴衆鳥
鳴茂林綠草延高岡盛時易徂謝浩思坐飄颻眷言同
心友茲遊安可忘

此詩氣格加道
便可追踪鄴下

南塘泛舟會元六昆季

端居倦時煥輕舟泛迴塘微風飄襟散橫吹繞林長雲
澹水容夕雨微荷氣涼一寫悃勤意寧用訴華觴

郡齋雨中與諸文士燕集

兵衛森畫戟燕寢凝清香海上風雨至逍遙池閣涼煩
痾近消散嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸見嘗俯飲一

杯酒仰聆金玉章神歡體自輕意欲凌風翔吳中盛文
史羣彥今汪洋方知大藩地豈曰財賦疆

都雅雍裕 每讀韋詩覺其如蘭之噴海
上風雨至道遙池閣涼意境何其清曠

軍中冬燕

海滄已云晏皇恩猶念勤式燕徧恒秩柔遠及斯人茲
邦實大藩伐鼓軍樂陳是時冬服成戎士氣益振虎竹
謬朝寄英賢降上賓旋罄周旋禮媿無海陸珍庭中丸
劍闌堂上歌吹新光景不知晚觥酌豈言頻單醪昔所

感大醜況同忻顧謂軍中士仰答何由申

陳戒貴肅而宴飲尚和
讀其言可令人如挾纊

寄馮著

春雷起萌蟄土壤日已疎胡能遭盛明才俊伏里閭偃
仰遂真性所求唯斗儲披衣出茅屋盥漱臨清渠吾道
亦自適退身保玄虛幸無職事牽且覽樓上書親友各
馳騫誰當訪敝廬思君在何夕明月照廣除

恬而不傲穆如清風
其佳處在閒閒自足

寄盧庾

悠悠遠離別分此歡會難如何兩相近反使心不安亂
髮思一櫛垢衣思一浣豈如望友生對酒起長嘆時節
異京洛孟冬天未寒廣陵多車馬日夕自遊盤獨我何
耿耿非君誰為歡

情深有不見
著情之妙

發廣陵留上家兄兼寄上長沙

將違安可懷宿戀復一方家貧無舊業薄宦各飄颻執

板身有屬淹時心恐惶拜言不得留聲結淚滿裳漾漾
動行舫亭亭遠相望離晨苦須臾獨往道路長蕭條風
雨過得此海氣涼感秋意已違況自結中腸推道固當
遣及情豈所忘何時共還歸舉翼鳴春陽

意取於漢聲高於
唐 纏綿懇歎

淮上即事寄廣陵親故

前舟已渺渺欲渡誰相待秋山起暮鐘楚雨連滄海風
波離思滿宿昔容鬢改獨鳥下東南廣陵何處在

起結
佳

經少林精舍寄都邑親友

息駕依松嶺高閣一攀緣前瞻路已窮
既詣喜更延出
嗽聽萬籟入林濯幽泉鳴鐘生道心
暮磬空雲烟獨往
雖暫適多累終見牽方思結茅地歸
息期暮年

同長源歸南徐寄子西子烈有道

東洛何蕭條相思邈遐路策駕復誰遊
入門無與晤還
因送歸客達此緘中素屢睽心所懽
豈得顏如故所懽

不可睽嚴霜晨淒淒如彼萬里行孤妾守空閨臨觴一
長歎素欲何時諧

孤表
淺寄

同德精舍養疾寄河南兵部曹東廳掾

逍遙東城隅雙樹寒蔥蒨廣庭流華月高閣凝餘霰杜
門非養素抱疾阻良讌孰謂無他人思君歲云變官曹
亮先忝陳躅慙俊彥豈知晨與夜相代不相見緘書問
所知訓藻當芬紉

同德寺雨後寄元侍御李博士

川上風雨來須臾滿城闕
峒嶢青蓮界蕭條孤興發
前山遽已淨陰靄夜來歇
喬木生夏涼流雲吐華月
巖城自有限一水非難越
相望曙河遠高齋坐超忽

贈馮著

契闊仕兩京念子亦飄蓬
方來屬追往十載事不同
歲晏乃云至微褐還未充
慘悽遊子情風雪自關東
華觴發懽顏嘉藻播清風
始此盈抱恨曠然一夕中
善蘊豈

輕售懷才希國工誰當念素士零落歲華空

西郊遊宴寄贈邑僚李巽

升陽暖春物置酒臨芳席高宴闕英僚衆賓寡歡懌是
時尚多壘板築興頽壁羈旅念越疆領徒方祗役如何
嘉會日當子憂勤夕西郊鬱已茂春嵐重如積何當返
徂雨雜英紛可惜

春嵐重如積
是一佳句

休沐東還胄貴里示端

宦遊三十載田野久已疎休沐遂茲日一來還故墟山
明宿雨霽風暖百卉舒泓泓野泉潔熠熠林光初竹木
稍摧翳園場亦荒蕪俯驚鬢已衰周覽昔所娛存沒惻
私懷遷變傷里閭願言少留心中復畏簡書世道良自
退榮名亦空虛與子終攜手歲晏當來居

山明二語有
小謝遺氣

朝請後還邑寄諸友生

宰邑分旬服夙駕朝上京是時當暮春休沐集友生抗

志青雲表俱踐高世名樽酒且歡樂文翰亦縱橫良遊
昔所希累讎夜復明晨露含瑤琴夕風殞素英一旦遵
歸路伏軾出京城誰言再念別忽若千里行閉閣寡誼
訟端居結幽情況茲晝方永輟轉何由平

四禪精舍登覽悲舊寄朝宗巨川兄弟

蕭散人事憂迢遞古原行春風日已暄百草亦復生躋
閣謁金像攀雲造禪局新景林際曙雜花川上明徂歲
方緬邈陳事尚縱橫溫泉有佳氣馳道指京城攜手思

故日山河留恨情存者
邈難見去者已冥冥
臨風一長慟誰畏行路驚

九日澧上作寄崔主簿倬二李端繫

淒淒感時節望望臨澧涘
翠嶺明華秋高天澄遙
萍川寒流逾迅霜交物初委
林葉索已空晨禽迎颿起
時菊乃盈汎濁醪自為美
良遊雖可娛殷念在之子
人生不自省營欲無終已
孰能同一酌陶然冥斯理

翠嶺二語
繫宋人

寄柳州韓司戶郎中

達識與昧機智殊跡同靜於焉得攜手屢賞清夜景蕭
灑陪高詠從容羨華省一逐風波還南登桂陽嶺舊里
門空掩歡遊事皆屏悵望城闕遙幽居時序永春風吹
百卉和煦變閭井獨悶終日眠篇書不復省唯當望雨
露霑子荒遐境

一起
深詣

園林晏起寄昭應韓明府盧主簿

田家已耕作井屋起晨煙園林鳴好鳥閒居猶獨眠不
覺朝已晏起來望青天四體一舒散情性亦忻然還復
茅簷下對酒思數賢束帶理官府簡牘盈目前當念中
林賞覽物遍山川上非遇明世庶以道自全

三月三日寄諸弟兼懷崔都水

暮節看已謝茲晨愈可惜風澹意傷春池寒花斂夕對
酒始依依懷人還的的誰當曲水濱相思尋舊跡

池寒花斂夕
是一佳句

寄大梁諸友

分竹守南譙弭節過梁池
雄都衆君子出餞擁河湄
燕謔始云洽方舟已解維
一為風水便但見山川馳
昨日次睢陽今夕宿符離
雲樹愴重疊烟波念還期
相敦在勤事海內方勞師

京師叛亂寄諸弟

弱冠遭世難二紀猶未平
羈離守遠郡虎豹滿西京
上懷犬馬戀下有骨肉情
歸去在何時流淚忽沾纓
憂來

上北樓左右但軍營函谷行人絕淮南春草生烏鳴野
田間思憶故里行何當四海晏甘與齊民耕

憂而不悴 不必唾涕悲
傷意已至矣 所謂雅音

送令狐岫宰恩陽

大雪天地閉羣山夜來晴居家猶苦寒子有千里行行
行安得辭荷此蒲璧榮賢豪爭追攀飲餞出西京樽酒
豈不懽暮春自有程離人起視日僕御促前征逶遲歲
已窮當造巴子城和風被草木江水日夜清從來知善

政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海湄名
在翰墨場羣公正追隨如何從此去千里萬里期大海
吞東南橫嶺隔地維建邦臨日域溫煥御四時百國共
臻奏珍竒獻京師富豪虞興戎繩墨不易持州伯荷天
寵還當翊丹墀子為門下生終始豈見遺所願酌貪泉
心不為磷緇上將玩國士下以報渴饑

送李儋

別離何從生乃在親愛中
反念行路子拂衣自西東
日昃不遑宴嚴車出崇墉
行役非所樂端憂道未通
春野百卉發清川思無窮
芳時坐離散世事誰可同
歸當掩重關默默想音容

起語
惻惻

留別洛京親友

握手出都門駕言適京師
豈不懷舊廬惆悵與子辭
麗

日坐高閣清觴燕華池昨遊修已過後遇良未知念結
路方永歲陰野無暉單車我當前暮雪子獨歸臨流一
相望零淚忽沾衣

宴別幼遐與君貺兄弟

乖闕意方弭安知忽來翔累日重歡宴一旦復離傷置
酒慰茲夕秉燭坐華堂契濶未及展晨星出東方征人
慘已辭車馬儼成裝我懷自無懼原野滿春光羣水含
時澤野雉鳴朝陽平生有壯志不覺淚沾裳況自守空

字日夕但彷徨

韋柳之佳在據寫委
盡絕不矜作一語

寄別李儋

首戴惠文冠心有決勝籌翩翩四五騎
結束向并州名在相公幕丘山恩未酬
妻子不及顧親友安得留宿昔同文翰
交分共綢繆忽枉別離札涕淚一交流
遠郡卧殘疾涼氣滿西樓想子臨長路
時當淮海秋

一起得
意迥出

送豆盧策秀才

歲交冰未泮地卑海氣昏子有京師遊始發吳閶門新
黃含遠林微綠生陳根詩人感時節行道當憂煩古來
獲落者俱不事田園文如金石韻豈乏知音言方辭郡
齋榻為酌離亭罇無為倦羈旅一去高飛翻

新黃二
語謝氣

答暢校書當

偶然棄官去投跡在田中日出照茅屋園林養愚蒙雖

云無一資罇酌會不空且忻百穀成仰嘆造化功出入
與民伍作事靡不同時伐南澗竹夜還澧水東貧蹇自
成退豈為高人蹤覽君金玉篇彩色發我容日日欲為
報方春已徂冬

夏夜憶盧嵩

靄靄高館暮開軒滌煩襟不知湘雨來蕭灑在幽林炎
月得涼夜芳罇誰與斟故人南北居累月間徽音人生
無閒日歡會當在今反側候天旦層城苦沈沈

一起
清洗

自蒲塘驛迴駕經歷山水

館宿風雨滯始晴行蓋轉潯陽山水多草木俱紛衍崎
嶇綠碧澗蒼翠踐苔蘚高樹夾潺湲崩石橫陰巖野杏
依寒折餘雲冒嵐淺性愜形豈勞境殊路遺緬憶昔終
南下佳遊亦屢展時禽下流暮紛思何由遣

送終

奄忽逾時節日月獲其良蕭蕭車馬悲祖載發中堂生

平同此居一旦異存亡斯須亦何益終復委山岡行出
國南門南望鬱蒼蒼日入乃云造慟哭宿風霜晨遽俯
玄廬臨訣但遑遑方當永潛翳仰視白日光俯仰遽終
畢封樹已荒涼獨留不得還欲去結中腸童稚知所失
啼號捉我裳卽事猶倉卒歲月始難忘

東林精舍見故殿中鄭侍御題詩追舊書情涕
泗橫集因寄呈閩澧州馮少府

仲月景氣佳東林一登歷中有故人詩淒涼在高壁精

思長懸世音容已歸寂墨澤傳洒餘磨滅親翰迹平生
忽如夢百事皆成昔結騎京華年揮文篋筭積朝廷重
英彥時輩分珪璧永謝栢梁陪獨闕金門籍方嬰存沒
感豈暇林泉適雨餘山景寒風散花光夕新知雖滿堂
故情誰能覲唯當同時友緘寄空悽感

雨餘二
語佳

登西南岡卜居遇雨尋竹浪至澧壩縈帶數里
清流茂樹雲物可賞

登高創危構林表見川流微雨颯已至蕭條川氣秋下
尋密竹盡忽曠沙際遊紆曲水分野綿延稼盈疇寒花
明廢墟樵牧笑榛丘雲水成陰澹竹樹更清幽適自戀
佳賞復茲永日留

龍門遊眺

鑿山導伊流中斷若天闢都門遙相望佳氣生朝夕素
懷出塵意適有攜手客精舍繞層阿千龕鄰峭壁緣雲
路猶緬憇澗鐘已寂花樹發烟華淙流散石脈長嘯招

遠風臨潭漱金碧日落望都城人間何役役

花樹二
語霏綺

春遊南亭

川明氣已變巖寒雲尚擁南亭草心綠春塘泉脈動景
煦聽禽響雨餘看柳重逍遙池館華益媿專城寵

巖寒雲尚
擁句韻

遊開元精舍

夏衣始輕體遊步愛僧居果園新雨後香臺照日初綠

陰生晝靜孤花表春餘符竹方為累形跡一來踈

孤花表春餘
一語佳絕

慈恩精舍南池作

清境豈云遠炎氛忽如遺重門布綠陰
齒苔滿廣池石髮散清淺林花動漣漪
緣崖摘紫房傍檻集靈龜
汜汜餘露氣馥馥幽襟披積喧忻物曠
耽玩覺景馳明晨復趨府幽賞當反思

意境
清遠

善福精舍示諸生

湛湛嘉樹陰清露夜景沈悄然羣物寂高閣似陰岑方
以玄默處豈為名跡侵法妙不知歸獨此抱冲襟齋舍
無餘物陶器與單衾諸生時列坐共愛風滿林

末語
可味

藍嶺精舍

石壁精舍高排雲聊直上佳遊愜始願忘險得前賞崖
傾景方晦谷轉川如掌綠林含蕭條飛閣起弘敞道人

上方至深夜還獨往日落羣山陰
天秋百泉響所嗟累已成安得長偃仰

有得景會心際古來登覽遊眺惟謝靈運最窮其趣
韋蘇州得趣而未暢如杜子美非不能言但只寫得
懷抱感慨於所遇之趣無與也

遊南齋

池上鳴佳禽僧齋日幽寂高林晚露清
紅藥無人摘春水不生烟荒岡筠翳石不應朝夕遊
良為蹉跎客

春水不生煙一語景趣佳絕

遊瑯琊山寺

受命恤人隱茲遊久未遑
鳴騶響幽澗前旌耀崇岡
青冥臺砌寒綠縟草木香
填壑躋花界疊石構雲房
經製隨巖轉繚繞豈定方
新泉瀉陰壁高蘿蔭綠塘
攀林一栖止飲水得清涼
物累誠可遣疲吐終未忘
還歸坐郡閣但見山蒼蒼

幽居

貴賤雖異等出門皆有營
獨無外物牽遂此幽居情
微

雨夜來過不知春草生青山忽已曙烏雀繞舍鳴時與
道人偶或隨樵者行自當安蹇劣誰謂薄世榮

淵明陶然欣暢應物澹
然寂寞此其胃次可想

夏景端居即事

北齋有涼氣嘉樹對層城重門永日掩清池夏雲生遇
此庭訟簡始聞蟬初鳴逾懷故園愴默默以緘情

附自鞏洛舟行入黃河即事寄府縣僚友 夾水蒼
山路向東東南山豁大河通寒樹依微遠天外夕陽
明滅亂流中孤村幾歲臨伊岸一雁初晴下朔風為
報洛橋遊宦侶扁舟不繫與心同 律詩非其所長

如送從兄宰晉陵立馬愁將夕看山
獨送行夫豈不佳苦通篇氣格不立

七言絕句

滁州西澗

獨憐幽草澗邊生
上有黃鸝深樹鳴
春潮帶雨晚來急
野渡無人舟自橫

酬柳郎中春日歸揚州南國見別之作

廣陵三月花正開
花裏逢君醉一迴
南北相過殊不遠
暮潮歸去早潮來

入竹
枝語

孫叔向

七言絕句

題昭應溫泉

一道溫泉遶御樓
先皇曾向此中遊
雖然水是無情物
也到宮前咽不流

送咸安公主

鹵簿遲遲出國門
漢家公主嫁烏孫
玉顏使向穹廬去

衛霍空承明主恩

秦系

字公緒會稽人有詩名于天寶間會亂避地剡川大厯五年薛兼訓奏為右衛率府倉曹參軍不就

建中初隱于泉州南安有大松百餘章系結廬其上穴石為硯注老子彌年不出年八十餘不知所終集

卷一

五言律詩

山中枉張宙員外書期訪衡門

常恨相知晚朝來枉數行
卧雲驚聖代拂石候仙郎
時果連枝熟春醪滿甕香
貧家仍有趣山色滿湖光

三四
清恬

常山贈張正則評事

終年避喧思常事
五千言流水間
過院春風與閉門
山葵邀上客
桂實落華軒
莫強教余起
微官不足論

四語
幽甚

七言絕句

宿雲門上方

禪室遙看峰頂頭
白雲東去水長流
松間倘許幽人住

不更將錢買沃洲

附山中贈耿湓拾遺 數片荷衣不滿身青山百鳥豈知貧如今不是秦時世更隱桃花亦笑人

皇甫冉

字茂政潤州人玄晏先生謚之後十歲能屬文張九齡嘆異之天寶間與弟俱登第授無錫尉

避難居陽羨大厯中為王縉掌書記後為左金吾衛兵曹參軍左補闕卒有集三卷行于世

五言古詩

題裴二十一新園

東郭訪先生西郊尋隱路久為江南客自有雲陽樹已得閒園心不知公府步開門白日晚倚杖青山暮果熟

任霜封籬疎從水度窮年常牽綴往事惜淪誤唯見耦
耕人朝朝自來去

幽色
堪把

方平曾東遊以詩寄之

出郭離言多迴車始知遠寂然層城暮更念前山轉縱
轡越成皋浮舟背梁苑朝朝勞延首往往若在眼落日
孤雲還邊愁迷楚關如何淑花發復對遊子顏古寺杉
枯裏連檣洲渚間煙生海西岸雲見吳南山驚風掃蘆

荻翻浪連天白正是揚帆時偏逢江上客由來許佳句
況乃愜所適蹉峩天姥峰翠色春更碧氣淒湖上雨月
淨剡中夕釣艇或相逢江蘿又堪摘迢迢始寧墅蕪沒
謝公宅朱槿攢列壙蒼苔徧幽石顧子任疎懶期爾振
羽翮滄洲未可行須售金門策

五言律詩

獨孤中丞筵陪餞韋使君赴昇州

中司龍節貴上客虎符新地控吳襟帶才光漢縉紳泛

舟應度臘入境便行春處處歌來暮長江建業人

送權三兄弟

淮海風濤起江關幽思長同悲鵲遶樹獨作雁隨陽山
晚雲和雪汀寒月照霜由來濯纓處漁父愛滄浪

送蕭獻士

惆悵煙郊晚依然此送君長河隔旅夢浮客伴閒雲淇
上春山直黎陽大道分西陵倘一弔應有士衡文

問正上人疾

醫王猶有疾妙理竟難窮
餌藥應隨病觀身轉悟空地
閒花欲雨窻冷竹生風
幾日東林去門人待遠公

五句閒
淨可愛

歸渡洛水

暝色赴春愁歸人南渡頭
渚煙空翠合灘月碎光流
澧浦饒芳草滄浪有釣舟
誰知放歌客此意正悠悠

奉和王相公早春登徐州城

落日憑危堞春風似故鄉
川流通楚塞山色遶徐方
壁

壘依寒草旌旗動夕陽元戎資上策南畝起耕桑

中聯凝重
有盛唐風

七言律詩

館陶李丞舊居

盛名天下挹餘芳棄置終身不拜郎詞藻世傳平子賦
園林人比鄭公鄉門前墜葉浮秋水籬外寒臬帶夕陽
日日青松成古木祗應來者為心傷

中晚七律已無老法深情但其景色
自成音調諧亮亦可矣五六淒其

五言絕句

婕妤怨

花枝出建章鳳管發昭陽借問承恩者雙蛾幾許長

善怨亦不能不怨

送王翁信還剡中舊居

海岸耕殘雪溪沙釣夕陽客中何所有春草漸看長

同諸公有懷

舊國迷江樹他鄉寄海門移家南渡久童稚解方言

七言絕句

送魏十六還蘇州

秋夜沈沈此送君
陰蟲切切不堪聞
歸舟明日毘陵道
回首姑蘇是白雲

曾山送別

淒淒遊子若飄蓬
明月清罇祇暫同
南望千山如黛色
愁君客路在其中

皇甫曾

字孝常潤州人天寶中與兄冉登進士第歷侍御史坐貶舒州司馬陽翟令當時兄弟齊名人

比之張景陽孟陽云集一卷高仲武云昔孟陽之
與景陽詩德遠慙厥弟協居上品載處下流今侍御
之與補闕文辭亦爾體制清潔華不勝文然寒生五
湖道春及萬年枝五言之選也其為士林所尚宜哉

五言律詩

玉山嶺上作

悠悠驅足馬征路上連岡晚翠深雲竇寒臺淨石梁秋
花偏似雪楓葉不禁霜愁見前程遠空郊下夕陽

三四搏
格欲上

送人往荊州

草色隨驄馬悠悠同出秦水傳雲夢曉山接洞庭春帆
影連三峽猿聲近四隣青門一分首難見杜陵人

和謝舍人雪夜寓直

禁省夜沈沈春風雪滿林滄洲歸客夢青瑣近臣心揮
翰宜鳴玉承恩在賜金建章寒漏起更助掖垣深

附奉寄中書王舍人 腰金載筆謁承明至道安禪
得此生西掖幾年綸綍貴東山 遙夜薜蘿情風傳漏
刻星河曙月上梧桐雨露清聖主
好文誰為薦閉門空賦子虛成

唐詩鏡卷三十

欽定四庫全書

唐詩鏡卷三十一

明 陸時雍 編

中唐第三

錢起

字仲文吳興人天寶十年及第授秘書郎終于考功郎中大厯中與郎士元俱以詩名倡士林為之

語曰前有沈宋后有錢郎時公卿出牧奉使二人無詩祖行人以為恥有集十一卷

錢起語
色輕芬

五言古詩

登勝果寺南樓雨中望嚴協律

微雨侵晚陽連山半藏碧林端陟香榭雲外遲來客孤
村凝片烟去水生遠白但佳川原趣不覺城池夕更喜
眼中人清光漸咫尺

獨往覆釜山寄郎士元

賞心無遠近芳月好登望勝事引幽人山下復山上將
尋洞中藥復愛湖外嶂古壁苔入雲陰溪樹穿浪誰言
世緣絕更惜知音曠鶯啼綠蘿春回首還惆悵

淺而
趣

杪秋南山西峯題準上人蘭若

向山看霽色步步豁幽性
返照亂流明寒空千嶂淨
石門有餘好霞殘月欲映
上詣遠公廬孤峯懸一逕
雲裏隔窻火松下聞山磬
客到兩忘言猿心與禪定

田園雨後贈隣人

安排常任性偃卧晚開戶
樵客荷蓑歸向來春山雨
殘雲虹未落返景霞初吐
時鳥鳴村墟新泉遶林圃
堯年

尚恬泊隣里成太古室邇人遂遙相思怨芳杜

語有韻

輕倩

過沈氏山居

雞鳴孤煙起靜者能卜築喬木出雲心閒門掩山腹貧
交喜相見把臂歡不足空林留宴言永日清耳目泉聲
冷樽俎荷氣香童僕往往仙犬鳴樵人度深竹酒酣出
谷口世網何羈束始願今不從區區折腰祿

語多
芬氣

贈栢巖老人

日與麋鹿羣賢哉買山叟龐眉忽相見避世一何久林
栖古崖曲野事佳春後瓠葉覆荆扉栗苞垂甕牖獨歌
還獨酌不耕亦不耜田隔雲溪多雨長稂莠煙霞得
情性身世同芻狗寄謝營道人天真此翁有

有老
秀語

仲春晚尋覆釜山

蝴蝶弄和風飛花不知晚王孫尋春草步步忘路遠況

我愛青山涉趣皆遊踐縈迴必中路陰晦陽復顯古岸
生新泉霞峯映雪巘交枝花色異竒石雲根淺碧洞志
忘歸紫芝行可搴方嗤嵇叔夜林卧方沈湎

七言古詩

送鄔三落第還鄉

郢客文章絕世稀常嗟時命與心違十年失路誰知己
千里思親獨遠歸雲帆春水將何適日愛東南暮山碧
關中新月對離樽江上殘花待歸客名宦無媒自古遲

窮途此別不堪悲，荷衣垂釣且安命。
金馬招賢會有時。

聲口
開利

效古秋夜長

秋漢飛玉霜，北風掃荷香。
含情紡織孤燈盡，拭淚相思寒漏長。
簷前碧雲靜如水，月弔棲烏啼烏起。
誰家少婦事鴛機，錦幕雲屏深掩扉。
白玉窻中聞落葉，應憐寒女獨無衣。

色嫩 末云應憐寒女獨

無衣此當是誰憐之者

五言律詩

山齋獨坐喜玄上人夕至

舍下虎溪徑煙霞入暝開柴門兼竹靜山月與僧來心
瑩蓮花水言忘綠茗杯前峯曙更好斜漢欲西迴

三四
清新

和萬年成少府寓直

赤縣新秋夜文人藻思催鐘聲自仙掖月色近霜臺一
葉兼螢度孤雲帶鴈來明朝紫書下應問長卿才

五六
孤秀

谷口書齋寄楊補闕

泉壑帶茅茨，雲霞生薜帷。
竹憐新雨後，山愛夕陽閒。
鷺棲常早秋，花落更遲家。
童掃蘿逕，昨與故人期。

三四娟娟 二語會趣
已深故其言不煩而至

秋夜寄袁中丞王員外

一夕盈千念，方知別者勞。
衰榮難會面，魂夢暫同袍。
片月臨階早，晴河度鴈高。
應憐蔣生逕，秋露滿蓬蒿。

氣韻
高爽

送陸贄擢第還蘇州

鄉路歸何早雲間喜擅名思親盧橘熟帶雨客帆輕夜
火臨津驛晨鐘隔浦城華亭養仙羽計日再飛鳴

四語有
喜意在

附歲暇題茅茨 谷口逃名客歸來遂野心薄田供
歲酒喬木待新禽溪路春雲重山厨夜火深桃源應
漸好仙客
許相尋

附題樊川杜相公別業 數畝園林好人知賢相家
結茅書閣儉帶水榭籬斜古樹生春蘚新荷卷落花

聖思加玉鉉
安得卧清霞

附哭空寂寺玄上人
悽然雙樹下垂淚
遠公房燈
續生前火爐添沒後香陰
階明片雪寒竹響空廊寂
滅應為樂塵
心徒自傷

附送柳道士歸期
千歲鶴行邁五雲車
殊遠腐趣送
原公南遊故鄉多
久別春草不傷情
語老情傷登復
州南樓客心湖上鴈
歸思日邊花家數
小棧衡門春
夜叢篠輕新暑
孤花占晚春
秀色欲絕宴
崔駙馬玉
山別業竹館烟催
暝梅園
雪悞春悞字著
意巧下

七言律詩

題郎士元半日吳村別業兼呈李長官

半日吳村帶晚霞
閒門高柳亂飛鴟
橫雲嶺外千重樹
流水聲中一兩家
愁人昨夜相思苦
閏月今年春意賒
自歎梅生頭似雪
却憐潘令縣如花

送李九貶南陽

玉柱金罍醉不歡
雲山驛道向東看
鴻聲斷續暮天遠
柳影蕭疎秋日寒
霜降幽林霑蕙若
弦驚翰苑失鴛鸞
秋來回首君門阻
馬上應歌行路難

四語景色俱
見五六不老

送裴頓侍御使蜀

柱史纔年四十強鬚髯玄髮美清揚朝天繡服乘恩貴
出使星軺滿路光錦水繁華添麗藻蛾眉明月引飛觴
多才自有雲霄望計日應追鴛鴦行

六句意

景佳

送嚴維尉河南

蕙葉青青花亂開少年趨府下蓬萊甘泉未厭揚雄賦
吏道何勞賈誼才征陌獨愁飛蓋遠離筵只惜暝鐘催

欲知別後相思處，願植瓊枝向栢臺。

通篇的
當老成

和王員外晴雪早朝

紫微晴雪帶恩光，繞仗偏隨鴛鴦行。
長信月留寧避曉，宜春花滿不飛香。
獨看積素凝清禁，已覺輕寒讓太陽。
題柱盛名兼絕唱，風流誰繼漢田郎。

三四借襯聲格最
晚六句稍帶生韻

幽居春暮書懷

自哂鄙夫多野性，貧居數畝半臨湍。
谿雲雜雨來茅屋，山雀將雛到藥欄。
仙籙滿床閒不厭，陰符在篋老羞看。
更憐童子宜春服，花裏尋師指杏壇。

三四本色自成更
加微韻則佳矣

山中酬楊補闕見過

日煖風恬種藥時，紅泉翠壁薜蘿垂。
幽溪鹿過苔還靜，深樹雲來鳥不知。
青瑣同心多逸興，春山載酒遠相隨。
却慚身外牽纓冕，未勝杯前倒接離。

三四過擬尋意
轉幽當體則遠

贈闕下裴舍人

二月黃鶯飛上林
春城紫禁曉陰陰
長樂鐘聲花外盡
龍池柳色雨中深
陽和不散窮途恨
霄漢長懸捧日心
獻賦十年猶未遇
羞將白髮對華簪

中唐七律時見偃
縱故體格不嚴

登劉賓客高齋

時公初
退相

能以功成踈寵位
不將心賞負雲霞
林間客散孫弘閣

城上山宜綺季家
蝴蝶晴連池岸草
黃鸝晚出柳園花
日陪鯉也趨文苑
誰道門生隔絳紗

附送李評事赴潭州使幕興過山寺先雲到瀟引江帆帶月行特巧

五言排律

夏日陪史郎中宴杜郎中果園

何事重逢迎春醪
晚更清林端花自老
池上月初明路入仙
郎次烏連柱史名
竹陰疎柰院山翠
傍蕪城引滿不辭
醉風來待曙更

題玉山村叟壁

谷口好泉石居人能陸沈牛羊下山小煙火隔雲深一
逕入溪色數家連竹陰藏虹辭晚雨驚隼落殘禽涉趣
皆流目將歸羨在林却思黃綬事辜負紫芝心

出手便
落語脆

奉和宣城張太守南亭秋夕懷友

池館蟪蛄聲梧桐秋露清月臨朱戟靜河近畫樓明捲
幔浮涼入聞鐘永夜清片雲懸曙斗數雁過秋城羽扇

揚風暇瑤琴悵別情江山飛麗藻謝眺讓前名

酬劉起居卧病見寄

承顏看彩服不覺別丹墀味道能忘病過庭更學詩
繚垣多畫戟遠岫入書帷竹靜攜琴處林香讓果時
聲同叨眷早交淡在年衰更枉兼金贈難為繼組詞

語意
嗚啞

山齋讀書寄時校書杜叟

日愛蘅芳下閒觀山海圖幽人自守朴窮谷也名愚倒

嶺和溪雨新泉到戶樞叢蘭齊稚子蟠木老潛夫憶戴
差過剡遊仙慣入壺濠梁時一訪莊叟亦吾徒

倒嶺二語苦意出語自恬叢
蘭二語自誌自嘲最饒餘味

送李九歸河北

文武資人望謀猷簡聖情南州初卧鼓東土復維城寄
重分符去歲仍出閩行斗牛移八座日月送雙旌別戀
瞻天起仁風應物生佇聞收組練鏘玉會承明

冠冕語
語稱

李四勸為尉氏尉李七勉為開封尉

惟伯與仲
有令譽因

之美之

美政惟兄弟時人數俊賢皇枝雙玉樹吏道二梅仙自
理堯唐俗唯將禮讓傳采蘭花萼聚就日鴈行聯黃綬
俄三載青雲未九遷廟堂為宰制幾日試龍泉

穩貼

春夜宴任六昆季宅

際晚綠烟起入門芳樹深不才叨下客喜宴齒諸簪夜

月仍攜妓清風更在林彩毫揮露色銀燭動花陰自接
通家好應知待士心向隅逢故識茲夕願披襟

律而能縱
往往有之

過楊駙馬亭子

衣冠在漢庭臺榭接天成彩鳳翻簫曲祥鱸入館名歌
鐘芳月曙林嶂碧雲生亂水歸潭淨高花映竹明退朝
追宴樂沈轄醉簪纓長袖留嘉客栖烏下禁城

語多清樂披襟落手往往
不費而成此最是其佳處

奉和聖制登朝元閣

六合紆玄覽重軒啟上清石林飛棟出霞頂太階平拂
曙鑿輿上睇陽瑞雪晴翠微回日馭丹巘駐天行御氣
升銀漢垂衣俯錦城山通玉苑迴河抱紫關明感物乾
文動凝神道化成周王陟喬岳列辟讓英聲

不乏
壯麗

送張中丞赴桂州

出守求人瘼推賢動聖情紫臺初下詔皂蓋始專城寵

借飛霜簡威加却月營雲衢降五馬林水引雙旌夙仰
敦詩禮嘗聞偃甲兵戍樓雲外靜訟閣竹間清化佇還
珠美心將片玉貞寇恂朝望重計日謁承明

罷官後酬元校書見贈

心期悵已阻交道復何如自我辭丹闕惟君到故廬忘
機貧負米憶戴出無車隣犬吠初服家人愁斗儲秋堂
入閒夜雲月思離居窮巷聞砧冷荒枝應鵲踈官名隨
落葉生事感枯魚流水仍揮手知音未棄余

忘機憶戴不穩。隣犬吠初服一。
旦遺榮人疑物怪。傷于苦而不雅。

同鄔戴關中旅寓

文士皆求過今人誰至公靈臺一寄宿楊柳再春風更
惜忘形友頻年失志同羽毛齊燕雀心事阻鴛鴻留滯
慙歸養飛鳴恨觸籠橘懷鄉夢裏書去客愁中殘雪迷
歸鴈韶光棄斷蓬吞悲問唐舉何路出屯蒙

和范郎中宿直中書曉翫清池贈南省同僚兩

垣遺補

青瑣留才子春池靜禁林自矜仙島勝宛在掖垣深引
派彤庭裏含虛玉砌陰漲來知聖澤清處見天心蘭氣
飄紅岸文星動碧潯鳳棲長近日虬卧欲為霖席寵雖
高位流謙乃素襟焚香春漏盡假寐曉鶯吟丹地宜清
泚朝陽復照臨司言兼逸趣鼓興接知音六義驚槁藻
三臺嚮擲金為憐風水外落羽此漂沈

語切本色
不為影似

附省試湘靈鼓瑟 善鼓雲和瑟常聞帝子靈馮夷
空自舞楚客不堪聽逸韻諧金石清音發杳冥蒼梧

來怨慕白芷動芳馨流水傳湘浦悲風過洞庭曲終
人不見江上數峯青 祇後二語佳餘情餘韻不盡
附楚蘭歌雪寄薛左丞怒濤堆砌石新月孕簾鉤孕
字特下巧而未安中書王舍人輞川舊居吹律澹雲
寒語極清
雅之致

五言絕句

江行無題

景夕殘霞落秋寒細雨晴短纓何用濯舟在月中行
咫尺愁風雨匡廬不可登祗疑香霧窟猶有六朝僧

藍田溪雜詠

暗歸草堂靜半入花源去有時載酒來不與清風過

右竹

路間

七言絕句

訪李卿不遇

畫戟朱樓映晚霞高門寒柳度飛鴉門前不見歸軒至
城上愁看落日斜

故王維右丞堂前芍藥花開悽然感懷

芍藥花開出舊欄春衫掩淚再來看主人不在花長在

更勝青松守歲寒

意格
俱勝

歸鴈

瀟湘何事等閒回
水碧沙明兩岸苔
二十五弦彈夜月
不勝清怨却飛來

意致
清遠

秋夜送趙冽歸襄陽

斗酒忘言良夜深
紅萱露滴鵲驚林
欲知別後思今夕

漢水東流是寸心

音韻稍沈
其格遜晚

過故洛城

故城門前春日斜
故城門裏無人家
市朝欲認不知處
漠漠野田空草花

芥而
老

郎士元

字君曹中山人天寶十五年進士寶應元年選京畿縣官詔試中書補渭南尉歷右拾遺出為

昂州刺史時與錢起
齊名卒有集一卷

五言律詩

送韋湛判官

高閣晴江上重陽古戍間
聊因送歸客更此望鄉山
惜別心能醉經秋髮自斑
臨流興不盡惆悵水雲間

綽有
餘韻

冬夕寄青龍寺源公

斂屨入寒竹安禪過漏聲
高松殘子落深井凍痕生
罷磬風枝動懸燈雪屋明
何當招我宿乘月上方行

附長安逢故人
數年音信斷不意在長安馬上相逢
久人中欲認難一官今懶道雙鬢竟羞看
莫問生

涯事只應持釣竿
偏
削苦刻是中唐語調

附送張南史
雨餘深巷靜獨酌送殘春
車馬雖嫌僻
鶯花不棄貧
蟲聲粘戶網
鼠跡印牀塵
借問山陽會
如今有幾人
微物幽情雖
纖細而不
至寒儉乃為
高手如此中
聯便知格
晚

七言律詩

題精舍寺

石林精舍虎溪中
夜扣禪扉謁遠公
月在上方諸品靜
心持半偈萬緣空
蒼苔古道行應徧
落木寒泉聽不窮

唯有雙峯最高頂此心期與故人同

三四色相
正音正局

酬王季友題半日村別業兼呈李明府

村映寒原日已斜
煙生密竹早歸鴉
長溪南路當羣岫
半景東隣照數家
門通小徑連芳草
馬飲春泉踏淺沙
欲待主人林上月
還思潘令縣中花

善為
寫作

送崔侍御往容州宣慰

秦原獨立望湘川
擊隼南飛向楚天
奉詔不言空慰俗
清時應得訪遺賢
荆門曉色兼梅雨
桂水春風過客船
疇昔常聞陸賈說
故人今日豈徒然

唐詩鏡卷三十一